

Prouinciæ Lusitaniæ Magisterij.

14.
Primum: *An gradus Magisterij olim vacantes per obitum Patris Emanuelis ab Ascensione, Gundisalui de Crato, & Antonij à Spiritu Sancto, & collati PP. Antonio Almeida, Emanueli Matris Dei, & Emanueli de Sena subsineantur, & quatenus negatiuè.*

Dubia.

Secundum: *An vnus, & quinàm ex ijsdem gradibus sit conferendus Patri Didaco à Sancto Iosepho, in Casu &c.*

Eñe, & Rñe Dñe. Incidimus in mala tempora; Quippè nedùm gens insurgit contra gentem, sed filij Patriam potestatem impugnant, & Regulares ipsi, non armis iustitiæ (his enim plerumque carent in Facto, & in Iure) sed acreis, seu emendicatis prætextibus, Superiores suos ad Romana Tribunalia trahentes, frequentèr nimium prouocant ad certamen; quod mirificè liquet in eo, quod Pater Didacus à Sancto Iosepho Ordinis Prædicatorum Lusitanæ Prouinciæ, contra suum Reuerendissimum Generalem, & munificentissimum Patrem coram hac Sacra Congregatione, intentare conatur in hac Lite, cuius factum ita se habet.

*Expositio facti
necessarij ad
causam.*

Vacauerat Anno 1693. Prouincialatus Portugalliæ, Ordinis Prædicatorum, qua de re conuocati Vocales mense Aprilis in Conuentu de Bello pro noui Prouincialis Electione, non vnam, & vnanimem, vt par erat, sed binam Electionem in duas factiones schismaticè diuisi, fecerunt; Vnam scilicèt, in Personam Fratris Emanuelis Velosij, & alteram in Personam Patris Magistri Emanuelis ab Ascensione; hac autem occasione non tota illa Prouincia, vt malè asseritur exaduerso, & apertè constat ex Mandato Procuræ; Sed dumtaxat portio illius, quæ Patrem Velosium elegerat pro substinenda Electione huiusmodi, dictum Patrem Didacum à Sancto Iosepho Aduersarium, tunc temporis Vlyssipone Lectorem Artium, Summario Num. Primo, Procuratorem misit ad Urbem; infausto tamèn euentu; Nam re ad hanc Sacram Congregationem delata, vtraque ex memoratis Electionibus cassata fuit, iniuncta noua conuocatione Capituli; qua secuta, die 21. Augusti

sti 1694., cum assistentia Illustrissimi, & Reuerendissimi Nuncij Apostolici, concordi fermè suffragio, electus fuit in Prouincialem Pater Magister Frater Emanuel Mascha-renhas.

Cumque intermedio tempore, mense videlicet Maij Anni prædicti 1694., celebrandum foret Romæ Capitulum Generale Prouincialium, nè esset pro Lusitania Prouincialis electus, qui ad illud conueniret; dictus Pater Didacus Aduersarius, qui adhuc Romæ degebat, non vti constitutus Definitor à Capitulo Prouinciali, sed loco Prouincialis in eodem Capitulo, ex speciali Indulto definiuit, *Summario Num. 2.*

sicuti non subsistit hoc factum, ita, nè etià subsistit aliud, quod pariter supponitur, in eo consistens, quod dictus Pater Didacus ad petitionem suæ Prouinciæ in præfato Capitulo Generali institutus fuerit Baccalaureus, quod idem est, ac Præsentatus; Etenim tale quid, nequè in Actis eiusdem Capituli in contrarium allegatis reperitur, nequè in registris Reuerendissimi Patris Magistri Generalis, nè in litteris Patentibus pro eodem gradu in fauorem dicti Patris Didaci postea expeditis, vllum prædictæ petitionis habetur vestigium; immò in Actis dicti Capituli Generalis fideliter relatis, dicto *Summario Num. 1.* non nominatur dictus Aduersarius, nisi vbi inter Definitores, ex speciali Indulto admissio, recensetur.

Quidquid in oppositum testetur Pater Saluator Ascanius, forsàn rei immemor, vel in hoc haud fide dignus, cum similibus attestationibus Acta semper præualere debeant, vltra quod illa asserta Lusitaniæ Prouinciæ petitio, nonnisi per ipsum Patrem Didacum fieri debuisset, quo casu vti facta pro semetipso à Definitor Capitul Generalis, irrita remansisset, ac nulla, *Summario Num. 3.*

Verumtamèn dictum gradum Baccalaureatus, seu Præsentaturæ, quem Pater Didacus non obtinuit, nequè obtinere poterat, reportauit 4. Iulij dicti Anni 1694., & sic paulò post à profusa nimis sui Generalis, & plusquàm Patris largitate, iniuncto tamèn onere in litteris Patentibus = *adimplendi omnia ea munera, & exercitia Scholastica, quæ secundum Leges, & Prouinciæ consuetudinem prærequisita sunt, itaùt, nisi per octo Annos Theologiam Scholasticam perlegerit, nullum possit habere ius ad gradum Magisterij*, *Summario Num. 4.*, quem postea Annorum numerum, idem Pater Generalis, gratiam addens supra gratiam die 5. Decembris dicti Anni in quarta parte diminuit, vt in exadverso *Summario Num. 3.*

Cumu-

Cumulatus talibus gratijs Pater Didacus redijt ad Portugal-
liam, vbi à suo Patre Prouinciali institutus Lector prima-
rius Theologiæ in Vllysiponenſi Collegio, eiufdem lectionis
Possessionem cepit die 23. Octobris 1695., vt in *exaduer-
ſo Summario Num. 6. & 7.*, verum qui manum miſerat ad
aratum, citius æquo respexit retro; Nam die 2. Aprilis
1698. iterum diſcedens à ſua Prouincia, & aſſumptam le-
cturam deſerens, Romam venit, *diſto Summario Num. Pri-
mo littera B. & Num. 5. & 6.*; Sed ad quem finem igno-
ratur?, hoc vnum, quod ipſe nonniſi 28. Iunii ſequentis
Anni 1699. Vllyſiponem redijt, vbi deſertam Theologiæ le-
cturam, vt aſſeritur, reaſſumens, illam die 14. Septem-
bris 1700. omnino terminauit, *diſto Summario Num. Pri-
mo littera C.*

Succeſſiue idem Pater Didacus Aduerſarius ad Gubernium
Conuentus Eboreniſis aſſumptus fuit; Sed vtinam non fuiſ-
ſet; vt enim mihi probatur Subditos opprimens, non tam-
quam Prior, ſed tamquam deſtructoꝝ, & diſſipatoꝝ in Spi-
ritualibus, & Temporalibus ſe geſſit, Conuentum ingenti
ære alieno grauando, pluribuſque damnis ſubiſciendo, ap-
plicando ſui commodo illius res, pecunias, & effectus, vt
videre eſt in *Summario Num. 7. & 8.*

Inereà per obitum Patris Magiſtri Fratris Emanuelis ab
Aſcenſione vacauerat in Prouincia Luſitaniæ gradus Ma-
giſterij, ad quem in Capitulo Prouinciali Vllyſiponæ An-
no 1702. ope, & conatu Patris Magiſtri Fratris Ioannis
Baptiſtæ noui Prouincialis ibidem electi, poſthabitis di-
gnioribus, obtinuit dictus Pater Didacus (qui aliàs eiuf-
dem Prouincialis fuerat Diſcipulus) poſtulari, *Summario
contrario Num. 9.* Sed contra talem poſtulationem, optimis
motiuis omnes conclamauere, *Summario Num. 9.*

Qua de re, vt idem Pater Didacus Magiſterium conſequere-
tur pro tertia vice Romam venit 6. Auguſti 1703. inutili-
tè tamèn, quia inuentus minùs habens de requiſitis ad ta-
lem gradum neceſſarijs, reiectus fuit vna cum dicta eius
poſtulatione, quam ex Epiſtolis Digniorum illius Prouin-
ciæ Patrum, Reuerendiſſimus Pater Generalis inſubſisten-
tem prænouerat, *diſto Summario Num. 7. & 9.*

Hoc tamèn non obſtante, idem Reuerendiſſimus Pater Gene-
ralis pro ſua ſingulari Charitate, & eximia munificentia,
ipſummet Patrem Didacum à Sancto Iosepho, vt ſibi nouis
laboribus neceſſaria merita ad Magiſterium cumularer,
Regentem Studiorum inſtituit in Collegio Portuenſi, ei-
demque expediuit, & conſignauit litteras Patentes indica-
tas, *Summario Num. 10.*, & hac noua gratia idem Pater

Didacus decoratus, & contentus, die 13. Septembris 1703. ab Vrbe discedens, in Portugalliam remeauit, vbi tamèn Prouincialis Lusitanus talem prouisionem non admittit, iudicans pro sua Conscientia inconueniens, munus illud eidem committere, ex Epistolis relatis, *Summario Num. 11.*

Tametsi exaduerso supponatur in præsentì, quod dictæ litteræ fuerint transmissæ, & concedi non valuerint, ex quo nemo possit institui in Regentem, nisi sit Magister in Sacra Theologia, quia non transmissæ, sed ei consignatæ fuerunt hic in Vrbe, & quæ exaduerso dicuntur, procedunt in Regentibus, *sinè onere docendi*, quales esse non possunt, signantur in publicis Vniuersitatibus, nisi Magistri, vel qui tempus lecturæ, pro Magisterio assequendo, legitimè expleuerint, *dicto Summario Num. 2. littera A.*; Secùs verò in Regentibus, *cum onere præciso docendi*, qui profectò nec debent esse Magistri, nequè lecturæ tempus compleuisse, dùm præcisè tales Regentiæ dantur ad facilitandam consecutionem gradus eiusdem Magisterij, & huius naturæ fuerunt dictæ Patentes, quæ vltèriùs respiciebant Regentiam in dicto Conuentu Portuensi, in quo loco nulla adest Vniuersitas.

Et in hoc Statu Pater Didacus pro quarta vice Romam venit, & quamvis Reuerendissimus Pater Generalis, iuxrà Leges Ordinis, & Pontificia Diplomata, debuisset illum, qui toriès sinè opportuna licentia ad Curiam accesserat, eum saltem occasione, nè ampliùs abuteretur tolerantia erga eum habita, Carceribus mancipare; Attamèn eum benignè amplexus fuit, & per biennium & vltra, licèt otiosè, & sinè vlla Religiosa Disciplina in Hospitio Mineruæ, patientèr rulit, & diutiùs rulisset, nisi consideratis grauissimis expensis ab eo factis, ære forsàn illo ad eum non pertinente, vt habetur ex *dicto Summario Num. 8. litt. A. & B. & Num. 11. litt. D.*, ex Conscientia iudicasset ampliùs permittere non posse, & sic ei discessum ab Vrbe demandare.

Id quod eidem P. Didaco, dedit mortuum contra Patrem Generalem, eiusquè litteras Patentes, quasi non adessent grauissimæ poenæ contra inobedientes talibus litteris, vel illarum effectum impediètes, vt videre est in *Summario Num. 12.*, acritèr insurgendi, eum accusando tamquàm iniustum, ac continuis citationibus laceßendo, & vocando, in specie in litem super Dubijs, quæ proponuntur in *præsenti Congregatione*, à quà tamèn prò consueta Eminentissimorum Patrum integritate, in omnibus dictus Pater

Pater Didacus *reijciendus* videtur, *intuncta* eidem *pari-
tione Superiori suo*.

Habito enim præ oculis facto superius exposito, ac optimè
demonstrante res hucusquè ab eo gestas, causam, & mo-
tuum introductionis huius litis, quà dictus Pater Didacus
vitur pro Clipeo inobedientiæ, & quæ sint eius merita,
erga Religionem prò gradibus, & honoribus in illa, vide-
tur utique *reijciendus respectu primi Dubij*, in quo qua-
ritur, An tres gradus Magisterij ibidem expressi, & colla-
ti, sustineantur; Tùm quia illius disputatio cum Reue-
rendissimo P. Generali, *incongrua est, & non legalis*, tùm
etiàm quia ex ijs, quæ per eum dumtaxat afferri pos-
sunt, liquidò constat *de validitate, & iustitia colla-
tionum*.

*Quoad primum
dubium.*

Incongrua quidèm, & *non legalis*, dùm enim Reuerendis-
simus Pater Generalis tamquàm Ordinarius Collator,
certos Religiosos de Magisterijs prouidit, ipsiquè in pos-
sessione actuali reperiuntur, vniuersa approbante Prouin-
cia, quæ in Capitulis Prouincialibus annorum 1704., &
1706. alacritèr acceptauit *Summario Num. 13., & 14.*,
& concurrit etiàm Capitulum Generale hoc anno labente
Bononiæ celebratum, præcisè approbatis, & acceptatis
omnibus gradibus Magistrorum *Summario Num. 15.*, ne-
cessariò consequitur, quod, vel de subsistentia istorum
Graduum dubitari amplius non possit, vel Reuerendissi-
mus Pater Generalis non debeat esse illorum propugna-
tor, sed defensio incumbat possessoribus, qui in his casu-
bus citandi, & audiendi sunt, *Card. de Luca de Iudic. di-
scurs. 9. num. 34., & de Iurisdic. disc. 2. num. 7., Rota co-
ràm Gregor. decis. 105. num. 10.*, quia Ordinarius collator
per prouisiones factas, dicitur functus officio suo, & sibi
abdicasse omne Ius, & valde exorbitans esset si continge-
ret dictos gradus annullari, non citatis possessoribus, qui
omni Iure, & Diuino, & humano vocandi forent, iuxtà
deducta per *Vbert. de Citation. cap. 1. num. 6. cum seqq.*,
Ridolph. in prax. part. 1. in præfatione num. 7.

Immo nec est legitima Persona ad opponendum, idem Pater
Didacus, qui alieno nomine impugnare nequit, dùm ca-
ret mandatis, minusquè nomine proprio, cum non liceat
particulari Religioso cerebrinè similes prouisiones im-
pugnare, & vocare Superiorem ad reddendam rationem
de omnibus gestis in gradibus collatis; maximè vbi Pro-
uincia acquieuit & actus, prout hìc, approbauit.

Validæ autèm, & iustæ sunt dictæ Collationes, vtpotè fa-
ctæ (quidquid in contrarium idealitèr supponatur) sinè
debi-

debitis probationibus; quæ allegantibus nullitatem incumbunt, *l. si scriptum heredem*, & ibi *Bald. C. de probat.*, *Mascard. de probat. conclus. 1115. num. 4.*, *Giurb. decis. 36. num. 18.*, dum præsumptio legis stat in oppositum, *l. quoties*, & *l. ubi ff. de reb. dub.*, *Scacc. de appellat. quest. 2. num. 29.*, plenè *Altmar de nullitatibus Rubric. 7. quest. prima num. 24. cum seqq.* de Viris vnderquaquè emeritis; Nàm in specie *P. Antonij Almeida* usquè ab anno 1689. ad petitionem Prouinciæ Præsentaturæ gradu fuit insignitus, & ultra triennium lectura Philosophiæ in Conuentu Vlyssiponenfi incubuit, nec non etiàm potitus fuit munere Magistri Studentium, deindè Lectoris Vespertini Theologiæ in Conuentu de Bello, & postmodum lectoris Primarij in Collegio Eborensi cum his similibus; Et *P. Emanuel à Matre Dei* usque de anno 1696. ad petitionem Prouinciæ, Præsentatura fuit decoratus, & lecturæ cursum per spatium ferè quindecim annorum communi plausu perfecerat, nimirum vndecim sub munere Lectoris Philosophiæ, Magistri Studentium, Lectoris Vespertini Theologiæ, atquè Lectoris Primarij in Eborensi Collegio, quod inter Vniuersitates Ordinis enumeratur, & reliquos Theologiam Scholasticam legendo in Collegio Portuensi, nec super his onus assumo probationes præcisas afferendi, quia ad me non spectat data collatione iam secuta, & effectuatà, plaudente Prouincia, & si aliquid contra eosdem PP. prætenditur ipsi citandi, & audiendi erunt.

Nihil exprimendo in ordine ad *P. Emanuelem de Sena*, virum similiter idoneum, quia nullatenus subsistit fuisse eidem collatum Magisterium, prout insubsistentèr asseritur,

Quoad secundum dubium.

Sic expeditus à primo Dubio de facili resoluitur *Secundum* super prætensa collatione vnus ex dictis gradibus Magisterij fauore Patris Didaci Aduersarij; Nàm si gradus sustinentur, vel super his non valet hic, & nunc capi certa determinatio, inutilitèr ad eos, seu ad illorum alterum idem Pater Didacus anhelat, vt de se patet.

Set dato per possibile figurata insubsistentia dictarum collationum, & quacumque vacantia Magisterij, adhuc nihil emergeret fauore Patris Didaci; aduertendo, quod iuxta leges Ordinis pro Lusitaniæ Prouincia Magisterium supponit præsentaturam, scilicèt necesse est, vt antequàm ad Gradum Magisterij, quis promoueat, præsentatura gaudeat, ad quam tamèn Præsentaturam obtinendam requiritur aliquem per quatuor annos Theologiam legisse, vel munus
Magi-

Magisterij Studentium perfecisse *Summario Num. 16.* Cum itaque ipse talibus careat, & munus *Magisterij Studentium* nunquam perfecit, ut ipse fatetur, imò nec talis muneris pbeundi capax esset, *dicto Summario Num. 2. litt. A.*, & quoad lectionem, nec Philosophicam compleuerit, ut bene deducitur, tum ex Thesis, quibus ultimo loco præfuit Vlyssiponi, non ex tota Philosophia, sed ex tota Phisica exceptis, *dicto Summario Num. 1. litt. A.*; Tum ex substitutione alterius Lectoris in eadem eius lectione *Summario Num. 17.*; Consequens fit, ut nullatenus dici valeat constare de requisitis necessarijs, nec etiam ad dictum gradum Præsentaturæ, & sic multo magis ad *Magisterium*.

Quin releuet, quod idem Pater, Anno 1694. fuerit Præsentatus; nam anno sequenti 1695. san. mem. Innocentius XII. tales actus subtulit de medio per eius constitutionem, qua reuocauit, cassauit, & irritauit omnes promotiones ad gradus in ordine Prædicatorum factas in personas eorum, qui laudabiliter non exercuissent, nec compleuissent requisita per leges eiusdem Ordinis ad illos gradus præscripta, ut admittitur, seu exprimitur in contraria informatione S. *Ad quorum tenorem*, quod respectu d. P. Didaci proximè licuit, & clariùs infra patebit.

Et est somnium, ac idea, quod dictus Pater Didacus à Capitulo Generali fuerit approbatus ad legendum *pro forma, & gradu Magisterij*; Quia, ut mihi constanter supponitur, nunquam tale, quid ex aduerso demonstrabitur, & probabitur.

Minusque subsistat, quod ipse legeret in Vniuersitatibus non per quatuor annos, ut demandant Constitutiones, sed fere per sex annos; Quia id, nec à longe probatur, & contrarium patentissimè demonstratur, ex eo, quod ipse Vlyssipone lectionem assumpsit die 23. Octobris 1695. eamque terminauit die 14. Septembris 1700. *ut in ex aduerso Summar. num. 7.* à quo tempore, nempe à dicta die 23. Octobris usque ad aliam diem 14. Septembris, non effluerunt nisi anni quatuor, menses decem, & dies viginti vnus; sed ad hoc tempore detrahi debet totum illud, in quo Aduersarius lectionem deseruit, scilicet tempus à die secundæ Aprilis 1698. *dicto Summar. num. 5. & 6.* usque ad 28. Iunij 1699. *dicto Summar. num. 1. litt. B.* & sic tollendi sunt quindecim menses, qui reducunt dictum tempus lectionis, ad annos tres, menses septem, & dies viginti quatuor, quibus si addatur eius lectione Vespertina, quæ incepit die 15. Iunij 1695, nec in rigori protracta fuit ultra diem 22. Iu-

lij eiusdem anni *Summar. num. 18.* tota eius Theologica
lectura ad summum durauit *per spatium trium annorum,*
& *mensum nouem,* & si deberet computari pro lectura
etiam tempus à die 22. Iulij 1695. vsque ad 14. Septem-
bris eiusdem anni, quo omninò à lectura vacauit *dicto Sum-*
mar. num. 12. adhuc semper esset verum dicere, & mathe-
maticè demonstratum, quod integrum *quadriennium* nul-
latenus perfecerit, & compleuerit.

Quod benè præuidetur exaduerso: Vndè in *contrario Sum-*
mar. num. 7. Referuntur lecturæ, & plures conclusiones, in
quibus ipse P. Didacus præfuit, sed in eodem numero stu-
diosè *pretermittitur dictum tempus quindecim mensum,*
in quibus lecturam deseruit, Romam veniendo, & quid-
quid habetur *litteris cubitalibus* postillam conclusionem
sub data 23. Ianuarij 1698. ibi = *Parti per Roma* (idest Pa-
ter Didacus) *à di 2. Aprile 1698. e tornò à continuare à di*
28. Giugno 1699. ut in dicto Summar. num. 1. litt. B. & testa-
ri dignabitur pro sua benignitate Eminentiſſimus Ponens,
in cuius manibus reperitur documentum autenticum super
hoc exaduerso datum, cuius rei veritas nedùm resultat ex
dicto autentico documento, sed etiam comprobatur ex
Epistola relata *dicto Summar. num. 5.* ac ex attestazione il-
lius, qui fuit socius itineris ipsiusmet P. Didaci, *eodem*
Summar. num. 6.

Ergò est vndique innegabile, quod d. P. Didacus nullatenus
habet tempus lecturæ sufficiens.

Et tamen in Ordine Predicatorum iuxta disposita in Conſti-
tutionibus *dist. 2. cap. 14. text. 10.* vt aliquis fiat Magister
in Theologia, debet prius Theologiam legisse in aliqua
Vniuersitate per quatuor annos ad minus, vt refertur in
contraria Informatione *S. non obstat*, quæ dictio *ad minus*,
non idem sonat, ac *circiter*, sed idem significat, ac *saltem*,
ideoque indicat quatuor annos debere esse integros, &
completos, cum ea indole, & virtute sua omninò indelu-
dat totum tempus, cui adijcitur, & sit implicatiua, non li-
mitatiua; ex adductis per *Barbos. dist. 6. num. 4. & dist. 356.*
num. 5. & confirmatur ex Constitutione san. mem. Inno-
centij XII. quæ vtitur verbis *qui laudabiliter non exercue-*
rint, atque compleuerint requisita = quod verbum comple-
uerint, denotat actus perfectionem, & totalem illius termi-
nationem.

Absque eo, quod mereatur conciamari, quod dictus Pater
fuerit à sua Prouincia ad gradum magisterij postulatus an-
no 1702. *ut in exaduerso Summar. num. 9.* nam vtique fuit
postulatus, sed postulatione inducta conatu noui Prouin-
cia-

cialis electi, postulatione notoriè iniusta, & contrà quam omnes exclamauere, vtpotè Religiosi scientia inepti, & incapacis, atque carentis omnibus requisitis ad Magistrum *dicto Summar. num. 7. & 19.*

Ad stipulante, quod dum priùs Prouincia Lusitanix illum expressè postulauerat per verbum *postulamus*, deindè re melius perpenſa, postulationem illam retractauit per verbum, *non postulamus*, *Summar. num. 19. vbi in lite. A.* quod idem P. Aduersarius fuerit etiam à Regno *exterminatus*, quia pluries Lusitaniam deferens, Romam se contulerat, absque suorum Superiorum licentia, ad inquietandam, & perturbandam Religionem.

Ecce itaque, quod vltra defectum postulationis P. Didacus, nedum non legit Theologiam per octo annos, vt ei fuerat primo iniunctum à Reuerendissimo P. Generali *d. Summar. num. 4.* aut per sex annos, vt fuerat deinde ab eodem gratiosè indultum, *vt in contrario Summar. num. 2.* sed neque per quatuor annos in aliqua Vniuersitate, nec alibi, Idcirco non percipitur qua fronte prætendi possit, deberi Magisterium eidem, qui nec gaudet, nec gaudere potest gradu Præsentaturæ, & denegari per eum legitimo Superiori *debita obedientia*, prætextu huius litis, quæ adeo insubsistens, & malè fundata recognoscitur.

Hinc poterant libenter omitti, quotquot dicuntur in ordine ad dubium illud, an P. Generalis possit conferre gradus Magisterij in Sacra Theologia Religiosis non postulatibus à sua Prouincia, nam si hoc dubium non fuit concordatum, nec firmatum à D. Auditore Eminentiss. Ponentis, qui præcisè illud credidit *inopportunum, & incongruum*, non video, quo iure possit illud, modò proponi, quia dubia ad hunc effectum concordantur, vt scilicet Partes certæ sint de re disputanda, nec rei præscriptæ limites transcendant, & si aperiretur hæc via inutile esset stabilire, ac concordare dubia.

Et re vera incongruum erat, & inopportunum, vtpotè nimis generale, & dependens à particularibus circumstantijs Causæ privilegij, & similis, quorum ratione passim Reuerendiss. P. Generalis dispensare valet, vt præcisè de Prouincia Lusitanix iustificatur *Summ. nu. 20.* Et in vniuersum de omnibus actis Capitularibus Ordinis ad eum mittendis pro illorum approbatione, vel immutatione auctoritate sua *equiori prudentia facienda*, patet ex contentis in *Summar. num. 21. 22. & 23.* Et de facto acta omnia Capitulorum Prouincialium ad Reuerendiss. P. Generalem transmittuntur pro d. approbatione, vel immutatione, iusta suppente Causa, & innumera allegari possent exempla, in quibus

Quamplurima iudicantur super dubio non concordato, nec approbato coram Eminentiss. Ponente, seu eiusdem Auditore.

P. Generalis auctoritate sua suppleuit, dum postulatio fuit facta de minus idoneo relicto digniori, vel aliud simile gra- uamen in hisce postulationibus irrepfit .

Quæ tamen dicta sint ex abundanti in ordine ad memoratum dubium, quod remanet extraneum à presenti indagine, nec potest hic decidi quatenus etiam fuisset subscriptum, & concordatum, cum Sac. hæc Congregatio expectet Partes in casibus parricularibus, non autem eas audiat super du- bijs generalibus, & in abstracto, quæ solùm in eo, de quo quæritur regulari possunt à certo priuilegio in hac, vel illa Prouincia, & à qualitate postulationis secutæ fauore potius vnus, quam alterius Religiosi, in quibus terminis Reue- rendiss. P. Generalis etiam præscindendo à postulatione, prouidere potest, dùm sibi certò constat de idoneitate, & optima qualitate Viri promouendi,

Quare &c.

Augustinus Galaminus.


S A C R A
CONGREGATIONE
Episcoporum , & Regu-
larium

Erño, & Rño D. Card.

COLLORED O
P O N E N T E
Prouinciæ Lusitanie
Magisterij.

P R O
Reuerendiss. P. Magistro Generali
Ordinis Prædicatorum .

C O N T R A
R. P. Didacum à S. Iosepho eiusdem
Ordinis .



Facti.

Romæ , Typis Reu. Cam. Apost. 1706.
Superiorum permissu .